

射相撲及膂力者輒給王公卿相之宅有詔搜索無人可進自今以後不得更然若有違者國司追奪位記仍解見任郡司先加決罰准勅解却其誅求者以違勅罪罪之但先充帳內資人者不在此限凡如此色人等國郡預知存意簡點臨勅至日即時貢進宣告內外咸使知聞

〔續日本紀二十六〕天平神護元年三月丙申詔○中又伊勢美濃越前者是守關之國也宜其關國百姓

及餘國有力之人不可以充王臣資人如有違犯國司資人同科違勅之罪

〔延喜式十八〕凡外散位六位勳七等以下情願者聽充帳內及職分資人七位以下者聽充位分資人○中

略

凡飛驒陸奧出羽及大宰府所管諸國人皆不得補帳內職分資人亦陸奧人不聽補雜色○中

凡中宮春宮白丁舍人并三色資人○帳內及位分資人職分資人者以本貫勘籍解文補之

〔令義解四〕凡帳內資人等才堪文武貢人者謂武人貢舉試條并叙法亦聽貢舉得第者於內位叙若謂

本位先高者改爲內位即位記多者改其最高其及留省之第者考滿之日乃叙內位也不第者各還本主

〔令集解十七〕古記云才堪文武貢人者未知武舉人試條并叙法若爲答武舉人考試法式并及第叙

法并將出別式也不限年之多少謂依貢人條凡貢人并限年廿五以下但帳內資人縱年廿五以上

聽貢舉故云不限年之多少之也朱云帳內資人等者未知等字意何若○中朱云聽貢舉者未知何

人可舉又不舉者科罪不答雖不舉無罪何者文稱聽字故也知何人可舉哉何○中釋云其位高於

對策第者改本位可叙內位延曆四年格文也跡云无位人得第者叙內位若本位高於第位者即改

其本位但前位記雖不毀而仍不合用凡外位住內職事者皆即改合授內位穴云得第者於內位叙

問本位外八位可授初位者何答改八位授於內八位耳又問本位初位以上今明經出身上下以下

而可留省第者量止至考滿日叙內位耳問改外八位叙內八位未知先外位毀哉以否答從獄令毀

位記條論定耳又問自餘諸雜任以上出身者也亦得入內哉答舉賤包貴明入內也○中朱云問被

貢舉
考選
敘位